



ოკბანო სპ. სოც.-დემ. პარტიის საზღვარ-გარეთელ ბიუროსი.
Organe du Bureau à l'Etranger du parti Social-démocrate de Géorgie.

დვანი

დროშა

832
1963

'NOTRE DRAPEAU'

დაარსებულია ნოე შოკლაძის მიერ.

N° 39

Directeur: MICHEL STOUROUA.

შ ი ნ ა ა რ ს ი:

- რ. ა. 26 მაისი.
- პ. ხარჯველაძე—მცირე შენიშვნები დიდ საკითხებზე.
- სარი—საბჭოთა ქვეყანაში.
- პ. ხ.—ძალა სიმართლის!..
- მ. ბერიშვილი—ნ. ჟორდანიას გარდაცვალების 10 წ. თავი.
- სპ. ხუციშვილი—შიშის აჩრდილი.
- კ. ინახარიძე—საქარ. სოფლის მეურნ. მოწინავეთა თათბირი.
- ვ. ჩუბინიძე—ჩემი მოგონებებიდან და სხვ.

პარიზი.

მ ა ი ს ი.

Paris.

1 9 6 3

ჩვენი დამოუკიდებლობის დღე.

საამო მოგონება, სიხარულის დღე! აღდგენა საქართველოს სახელმწიფოებრივი თვითარსებობის, აი რა არის 26 მაისი.

ჩვენ ვამბობთ «აღდგენა», რადგან საქართველოს თავის ხანგრძლივ ისტორიულ ცხოვრებაში მუდამ ქ.ქ.ღ.ა თავის სახელმწიფო, თავის განსაკუთრებული სოციალური და პოლიტიკური წყობა.

26 მაისი ამიტომ არ არის არც გარედან მოტანილი, არც მიმდინარე მოვლენათაგან წარმოშობილი. იგია განაქლება, გაცოცხლება ისტორიულ წარსულის, მასთან მჭიდროდ დაკავშირებული და მისი გამგრძელებელი.

26 მაისი ახალი ფორმაა, წარსულის ძირებზე აღმოცენებული და იმავე დროს ჩვენი ერის თანამედროვე კულტურულ კაცობრიობის სიმალლეზე ასვლის მაჩვენებელი. დამოუკიდებლობის აქტი ამ თანამედროვეობის და თავისებურების გამოხატველია.—იგი ღრმადაა შეჭრილი ჩვენი ისტორიის წინააღმდეგ. და იმავე დროს იგი სადღეისო, აქტიური სამოქმედო პროგრამაა, რომელიც განაღდება მოელის, განაღდებისათვის გააღმასებულ ბრძოლას აწარმოებს.

26 მაისი ტკბილი მოგონებაა, რომელსაც თან ახლავს მწუხარება და ნაღველი.

ოცდაექვს მაისს აღმდგარ საქართველოს კომუნისტურმა, გაწითლებულმა საბჭოთა რუსეთმა წარსტაცა თავისუფლება და თავს მოახვია კომუნისტური, დიქტატორული რეჟიმი, უჩვეულო და მიუღებელი ქართველი ერისათვის.

მაგრამ ქართველი ერი ამ ახალ განსაცდელსაც გაუძღვება. წინეთაც უნახავს მას არაბების შემოსევა, თემურ ლენგის მრისხანება, ოტომანის იმპერიის გამანადგურებელი შემოტევები, მაგრამ არ შემდრკალა, არ მოუხრია ქედი. მოუცილებია, განუდევნია შემოჭრილი მტრის ურდოები. ახლაც, როცა მას სულთამზუთავად ადგია თავს საბჭოთა რუსეთი—კომუნისტური იმპერიალისტების მეთაურობით, ჩვენ ვამბობთ თამამად, გაბედულად. ხმამაღლად: ამ ახალ ბატონის უღელსაც მოიხსნის იგი, ამ ახალ ისტორიულ ბრძოლიდანაც გამარჯვებული გამოვა.

მუხანათური მეთოდით უდგება მუხანათი მტერი ქართველ ერს და ქართულ კულტურას. ვითომდა მაღალი კომუ-

30275

ნისტური ბედნიერებისათვის. ამ ქვეყნად სამოთხისებურ ცხოვრების დამყარებისათვის მოითხოვს იგი ერისაგან თავის მეობაზე ხელის აღებას და ერთ საბჭოთა ერში გათქვეფვას! რა საშინელი სიგიჟეა! რა გაუგონარი თავხედობაა! თუ რას წარმოადგენს კომუნისტური სამოთხე, განა ამას ქართველი ხალხი ვერ ხედავს? და განა შეუძლია მას ამ «სამოთხის» სახელით ხელი აიღოს თავის სახელოვან წარსულზე, ათას წლებით დაგროვილ კულტურულ მონაპოვარზე? ესეც არ იყოს, განა უქანასკნელი 40 ზე მეტი წლის განცდები ყოველ მაღალ ფრაზეზე და ბრტყელ-ბრტყელ სიტყვებზე უფრო ნათლად არ მეტყველებენ კომუნიზმის ნამდვილ, ანტიხალხურ, ანტიეროვნულ, ანტიადამიანურ ბუნებაზე?! ვინ იქნება ისეთი ბრძაოარივე თვალთ, რომ შავი თეთრად მიიღოს?

მხოლოდ სიყალბეში დაინტერესებულნი, მხოლოდ გამცემლობით საზოგადოების სათავეში წამოსკუპული, მხოლოდ სიმუხთლით ერის არამკითხე მმართველად ან უფრო სწორად რომ ვთქვათ, მძარცველად მოვლინებულნი!

მაგრამ ესენი ხომ გარეწარებია ან უცხო ძალები, შორიდან მოსულნი, ქვემეხებით და ტანკებით ქართველ ერზე გაბატონებულნი, დღესაც ამ ტანკებზე და ხიშტებზე დაყრდნობილნი.

26 მაისი მათ შემოსეს ძაძით, მაგრამ ქართველთა გულში იგი ბრწყინავს. შუქს ჰფენს, და ბრძოლისკენ მოუწოდებს მთელ ერს, მის ყველა ცხოველ-მყოფელ ძალებს.

დიად, 26 მაისი დღეს ალაშქრა ბრძოლის და ეს ბრძოლა არ შეწყდება, სანამ საბოლოო გამარჯვებით არ დაგვირგვინდება.

26 მაისი ქართული სახელოვანი ისტორიის ერთი დიდი რგოლია, წარსულის საყრდენებზე გამოჰყვდილი!

26 მაისი ნაკვეთია და დასაწყისი ახალი ისტორიული ფორმაციის.

26 მაისი გამომხატველია იმავე დროს ქართველი ხალხის მისწრაფებების და იმედების, რომელნიც ახლო მომავალში უნდა განხორციელდენ.

26 მაისი თავდება ჩვენი ქვეყნის თავისუფლების, თვითმყოფობის და სახელმწიფოებრივი არსებობის განახლების, აღდგენის, განხორციელების.

გაუმარჯოს ქართველ ერს!

გაუმარჯოს 26 მაისს!

რ. ა.

მცირე ზენიზენები დიდ საკითხებზე.

«წყველი კაპიტალიზმი».

ეპოქის დიდ დამახასიათებელ მოვლენათა შორის უმთავრესია სოციალ-ეკონომიური ძვრები, რომელთა მოწამენი ვართ და რომლის ღრმა განვითარებამ,—თუ კაცობრიობას საშინელ ომისგან წააღებავს უწერია,—სრულ სოციალურ და ყველა ერთა თავისუფლებამდე უნდა მიგვიყვანოს...

ე. წ. კაპიტალიზმი მე-18 საუკუნის ისტორიას ჩაბარდა, მას დღეს აღარ ახასიათებს ის გამყვლეფი თვისებები, მისი უფლებრივი საძირკველი შერყეულია, მისი ორგანიზაციული წყობა შეცვლილია,—ცხადია ეს ევოლიუცია არ მომხდარა თავისთავად, უბრძოლველად, არამედ იგი შედეგია მუშათა კლასის შეუპოვარი ბრძოლისა და პროგრესიულ იდეათა განხორციელების...

კაპიტალისტური სამყარო დღეს იძულებულია შეუბრძოდეს იმ სოციალურ კანონმდებლობას, რომლის მიზანია შრომისა და მშრომლის უფლების და ღირსების დაცვა. იგი მინდის მუშებთან მოლაპარაკებაზე და თუ ხშირად სოციალურ კონფლიქტებს აქვს ადგილი, დღეს შეუძლებელია ის სისხლიანი შეტაკებები, რომლებსაც ადგილი ჰქონდა შორეულ წარსულში, პირიქით მუშათა სამართლიანი მოთხოვნილებები გვარდება საზოგადოებრივი აზრის თანაგრძობით. ზეგაღწეწით და თვით სახელმწიფო ძალაუფლების ჩარევით...

სამრეწველო დარგში თანდათანობით არსდება სამრეწველო კომიტეტები მუშების მონაწილეობით, რომლებიც დაინტერესებული არიან მრეწველობის ბედით, მისი ნაყოფიერების ზრდით...

მაშასადამე დიდი სოციალური კატაკლიზმების გარეშე შესაძლებელი ყოფილა ადამიანის კეთილდღეობის მოპოება, მისი პიროვნების დაცვა, მისი შემოქმედების გაშლის შესაძლებლობა.

რალაც ათი-თუთხმეტი წლის მანძილზე თავისუფალ ქვეყნების ხალხთა კეთილდღეობა თანდათანობით აღწევს დამაკმაყოფილებელ დონეს. ევროპის და სკანდინავიის ქვეყნების ეკონომიური და ფინანსიური მდგომარეობა იმდენათ მყარა და სტაბილური, რომ მათ წინაშე დღეს სდგას საკითხი მხოლოდ დაგროვილ სიმდიდრეთა რაციონალურად გამოყენების და ურთიერთ შორის დამზადებულ საქონელთა მიწოდებისა თუ გაცვლა-გამოცვლის მოწესრიგების...

ამ ღრმა ძვრების ახსნა უნდა ვეძიოთ ორ დიდ ფაქტორში: ერთია განვითარებულ ტენიკის და ატომიურ ენერჯის

გამოყენება. მეორეა თვით ლიბერალურ აზროვნების კრიზისი, რომელმაც ვერ გაუძლო იმ სოციალურ დაჯახებას, რომელსაც ადგილი ჰქონდა ახლო წარსულში,—განა მოწამენი არ ვიყავით ამ საუკუნის ოცი თუ ოცდაათიან წლებში მწვევე კრიზისების და ნგრევის?...

როცა ზედიზედ იცვლებოდნენ მთავრობები, როცა შემოიჭრა ეგ. წოდ. დავგვიმილი ეკონომიკა.

წლების მანძილზე ლიბერალურმა აზროვნებამაც განიცადა ცვლილება...

აღიარებული იქნა კერძო სექტორისა და სახელმწიფო დავგემის პარამონიაცია—ერთი-მეორეს გვერდით მათი არსებობის შესაძლებლობა.

მაშ ასე, სოციალ-ეკონომიურმა—ნორმალური ვზით წინსვლამ თავისუფალ ქვეყნების კრიზისებისგან თავის დაღწევამ—აღმართა უდიდესი კედელი, რომელზედაც ასკდება მოსკოვური კომუნისმის ტალღები.

სოციალური ევოლიუცია თავისუფალ ქვეყნების აფორიზმს, აშინებს ოქტომბრის მოციქულებს, რომლებიც მოელოდნენ ლენინის სიტყვით რომ ვსთქვათ—საერთაშორისო სოციალურ ცეცხლის დანთებას, საკუთარ ბატონობის გასაგრძელებლად.

მათი იმედი სამუდამოდ დამსხვრეულია.

ეკონომიური ვაგრთიანება.

მოსკოვს არასოდეს სურდა—ევროპა ეკონომიურად წელში გამართულიყო. თავის დროზე იგი ილაშქრებდა ე. წ. მარშალის გეგმის წინააღმდეგ; ხოლო როცა შესაძლებელი გახდა ევროპის სახელმწიფოთა შორის ეკონომიური კავშირის დაარსება,—მან განგაში ასტეხა და დიდი ხნიდან ნაცად ხერხს მიმართა.—შინაური საზოგადოება შეცდომაში შეეყვანა. თითქოს თავისუფალ ერთა ეკონომიურათ დაახლოვება მიმართული იყო საბჭოთა რუსეთის წინააღმდეგ.

რასაკვირელია მან კარგად შეაფასა—საერთო ბაზრის—ეკონომიური შედეგები, რომლებიც მხოლოდ ხელს შეუშლიან საბჭოთა—ეკონომიურ შემოტევას, მის ჩარევას თავისუფალ ქვეყნების შინაურ ცხოვრებაში...

ევროპის ეკონომიური დაკავშირების შედეგები კი უდიდეს დადებით პერსპექტივებს იძლევა: სასოფლო და სამრეწველო დარგების პროდუქციის თავისუფალი გატანა და ერთი ქვეყნიდან მეორე ქვეყნის ბაზარზე გაყიდვა.

სოციალურ კანონმდებლობის შეფარდება, შრომის ბაზრის მოგვარება, თითუელი ქვეყნის შინაურ წესების დამორჩილება—საერთო ინტერესებისადმი.

საბაჟო გადასახადების მინიმუმამდე დაყვანა ზოგიერთ შემთხვევებში სრულიად მოსპობა.

აი მთელი რიგი ფაქტორებისა, რომლებიც შესაძლებ-

ლად ხდიან თითოეულ მოკავშირის ნაციონალურ მეურნეობის სრულ განვითარებას და წარმატებას.

მცირე ხნის პრაქტიკამ ნათელყო ეკონომიური კავშირის დადებითი შედეგები, მან გააუმჯობესა ფართე მასსების ნივთიერი მდგომარეობა.—ეს მოვლენა არ შეეძლო გამოპარვოდა ადგილობრივ კომუნისტურ პარტიებს, რომელთა მოთხოვნით მოსკოვი იძულებული გახდა შეეწელებინა თავდასხმები—ევროპის საერთობაზრის წინააღმდეგ. თუმცა მას არანაკლებად აფიქრებს, რომ ეკონომიური გაერთიანება წინამორბედი იმ პოლიტიკურ გაერთიანების, რომელიც მუდამ იდგა დღის წესრიგში წარსულში და დღეს კი აქტუალურად სდგას ევროპის საზოგადოებრივ აზრის წინაშე... ამ მხრივ დამახასიათებელია მოსკოვის ჯალაშქრება ორი დიდი ერის გერმანია-საფრანგეთის დამეგობრების წინააღმდეგ. რადგან ამ ორი ერის დამეგობრება-დაკავშირება უსათუოდ საძირკველს უყრის მთელი ევროპის პოლიტიკურ მთლიანობას... პერსპექტივა უსათუოდ დამაფიქრებელია მოსკოვისთვის. მას ეცლება ნიადაგი ამ ერთა შიგნიდან ასაფეთქებლად. ცხადია იგი ამით იარაღს არ ჰყრის და თანაარსებობის თუ სხვა დიპლომატიური ხერხელებით ცდილობს თავის მიხენების განხორციელებას... მაგრამ ევროპა ეკონომიურად წელში გამართული და პოლიტიკურად გაერთიანებული, აქაც შესძლებს თავი დააღწიოს და თავის ძველი ცივილიზაცია გადაარჩინოს...

საგარეო ფრენტზე.

საბჭოთა მთავრობის საგარეო პოლიტიკა მუდამ დამოკიდებული იყო და განისაზღვრებოდა ქვეყნის შინაური მდგომარეობით. კუბიდან ხრუშჩოვის უკან დახევა, მისი სამხედრო კაპიტულიაცია—შეუძლებელი იქნებოდა, რომ მას ზურგი მაკარი ჰქონოდა. შეერთებულ შტატების მტკიცე პოზიციამ იგი უცბად, შეაშფოთა, ხოლო უკან დახევის გამართლება კი ვასაღებულ იქნა როგორც უალრესი სურვილი მშვიდობიანობის შესანარჩუნებლად.

კუბის აქციამ და ბერლინის საკითხის მოუგვარებლობამ, კომუნისტურ ბანაკში გამოიწვია არეულობა. მოსკოვის წინააღმდეგ ჩინეთისა და აფრიკა-აზიის ქვეყნების კომპარტიების ჯალაშქრება. რომელსაც როგორც სჩანს ჩუმიად ხელს უწყობს კრემლის კულუარებში მოძრავი ოპოზიციონერები.

ამას ზედ ერთვის დესტალინიზაციისგან გამოწვეული რეაქცია, რომლის ჩაქრობა არც ისე ადვილი საქმეა. სტალინის აჩრდილი თავს დასტრიალებს საბჭოთა საგარეო და საშინაო ფრონტს და მასზე ახდენს გავლენას...

ყველა ეს გარემოებანი უყენებს საბჭოთა დიქტატურას დილემას: გააგრძელოს თანაარსებობის ტაქტიკა, თუ აწარმოოს აშკარა შეტევითი პოლიტიკა ე.წ. კაპიტალისტურ ქვეყნების წინააღმდეგ...

ჯერჯერობით მოსკოვი თითქოს მტკიცეთ იცავს უკვე არჩეულ გზას—თანაარსებობისას, და რომ ეჭვი არ შეიტანოს ვინმემ მის ცბიერებაში, ახშირებს მოჩვენებითი სურათებს, როგორცაა სიძის პაპასთან შეხვედრა, რომის სასულიერო კრებულზე მღვდლების გაგზავნა, ტიტოს მოპატიჟება და სხ.

მეორეა, ჩინეთის კომპარტიის უკომპრომისო შეტევითი პოლიტიკა კაპიტალისტურ ქვეყნების წინააღმდეგ რომელიც შეუჩერებლივ ამტკიცებს—სანამ არსებობს კაპიტალიზმი—არის შესაძლებლობა ომის. ამიტომ მზად უნდა ვიყვეთ და ვემზადოთ. საბჭოთა ქვეყანა, რომელიც ყველაზე უფრო ძლიერია უნდა უმეთაუროს სოციალისტურ ბანაკს და დარაზმოს მოსალოდნელ ომის წარმოებისათვის...

ჩინეთის პოზიცია თანდათანობით არყვეს მოსკოვის წამყვან, პირველობის როლს... რომელიც იძულებული ხდება სამჯერ რომ თავში ჩაართყამს უკვე მიგდებულ სტალინის გვამს. ერთჯერ ფეხზე წამოაყენებს... ცდილობს მოახერხოს ისე რომ შეინარჩუნოს მსოფლიო კომუნისტური მოძრაობის მეთაურობა და ამავე დროს საგარეო პოლიტიკის ფრონტზე თანაარსებობის სტრატეგია ე. ი. მშვიდობიანი თანამშრომლობითი გზით საძირკველი გამოუთხაროს თავისუფალ ქვეყნების ეკონომიურ და პოლიტიკურ მართველობას... რადგან თვით ხრუშჩოვის თანაარსებობის თეორია, ლენინისგან ნაანდერძვეთ—რა არის თუ არა, შემოვლითი, შეპარვითი ტაქტიკა, საზოგადოებრივი აზრის მისაძინებლად, ხან შიგნიდან აფეთქებით, ხან ლეგალური—პარლამენტარული გზით, ხან სოციალურ კონფლიქტების გამოყენებით თავის ზრახვების განხორციელებას, მთელ სამყაროზე მოსკოვეურ კომუნიზმის გავრცელებას...

საბჭოთა აგრესიულობის შენელება, პაციფისტურ პანგების გაძლიერება გამოწვეულია შინაურ ეკონომიურ კრიზისებისგან. დღეს მოსკოვს აღარ ძალუძს როგორც სჩანს მილიარდები ჩაჰყაროს შუა თუ ახლო აღმოსავლეთის ქვეყნებში საპროპაგანდოთ. მით უმეტეს აქედან მას უკვე თითქმის ფეხი აადგმევიწეს... მეორეს მხრივ ქვეყნის მილიტარიზაცია გრძელდება და მძიმე მრეწველობაში კაპიტალის დაბანდება მძიმეთ აწვევა საბჭოთა ეკონომიკას...

საბოლოო ანგარიში ამ თავისუფალ თანაარსებობის—გატარების პროცესში თავისუფალ ქვეყნების საზოგადოებრივი აზრი თანდათანობით ჯანსაღდება, ფეხბლდება, მოსკოვის ზრახვებში ერკვევა და მტკიცე პოლიტიკური პოზიციების დაკავშირებით—უდიდეს გავლენას ახდენს საბჭოთა საგარეო პოლიტიკაზე...

თავისუფლების იდეა თანდათანობით გზას იკაფავს და ცდილობს ტოტალიტალური რეჟიმის კედლები ჩამოანგრიოს...

პ. ხარჯველამე.

ს ა ბ ზ ო ტ ა ძ ვ ე ჯ ა ნ ა შ ი .

ბრუშნოვის ახალ-ახალი რეფორმები გადაჯეჭვადმოჯეჭვის თამაში აშკარად მოწმობს იმ მწვავე კრიზისის არსებობას, რომლითაც დაავადმყოფებულთა საბჭოთა სოციალ-დემოკრატიული ცხოვრება. არსებული კრიზისის ძირი—მისი წარმომშობი მიზეზები, ღრმაა, ფართოა და თანდათანობით განვითარების გზით მომდინარეობს შორიდან...

უნდა ავხსნათ.

ოქტომბერმა მიზნათ დაისახა უკლასო საზოგადოების შექმნა, საკუთრების მოსპობა და საზოგადოებრივი წარმოების მოწყობით, ბედნიერი ცხოვრების დამყარება. 1936 წელს, როცა სტალინმა თავისი კონსტიტუცია გამოაქვეყნა მან საქვეყნოთ აღიარა,—საბჭოთა კავშირში კერძო საკუთრების მოსპობა, ახლად ფეხადგმულ ბურჟუაზიულ კლასის გაქრობა. მართალია სტალინის ტერორმა ამოყლიტა ძველი მესაკუთრენი, მაგრამ მის ადგილას წარმოიშვა ახალი წოდება,—პრივილეგიური, რომელიც გამგე და ბატონია ე. წ. კოლექტიური საკუთრების, თუმცა არც ერთი ბიუროკრატი, არც ერთი კომუნისტი მესაკუთრეთ თავს არ თვლის, მაგრამ თითოეული მათგანი მონაწილეა იმ მონოპოლიურ უფლებების, რომელიც განაგებს ახალი ფორმის საკუთრებას. შორიდან, უბრალო თვალთ ეს საკუთრება უჩინარია და იფარება საზოგადოებრივი სამოსელით, ასეთი მესაკუთრეობის სისტემა სრულებით არაა კომუნისტური პარტიის გამოგონილი, ხოლო მან უფრო ღრმა ფესვები გაიდგა ახლა, ვიდრე ეს იყო ფარანების დროს.

სოციალური და პოლიტიკური ფაქტორები ანუ უკეთ მონოპოლია საკუთრებაზე და მონოპოლია ხელისუფლებაზე ერთიმეორეს დაემთხვა, ერთიმეორე შეავსო, გახდა ერთიმეორეს დასაყრდნობი. ორივენი მიდიან ერთი გზით, ემსახურებიან ერთს ღმერთს—დესპოტიურ მართველობის განმტკიცებას მისი არსებობის უზრუნველყოფას.

წართვით კომუნისტურ პარტიას მონოპოლია ხელისუფლებაზე ცხადია დაინგრევა პრივილეგიური კლასი, მიეცით მუშათა კლას უფლება,—მის მიერვე შექმნილ პროდუქციის სარგებლობის—თქვენ მოსპობთ მონოპოლიას საკუთრებაზე. ეს იქნებოდა დასაწყისი და დასასრულიც კომუნისტურ სამყაროს დანგრევისა. მაშასადამე სანამ მონოპოლია მართველობაზე და საკუთრებაზე არ მოსპობილა, პირველი არ გამხდარა ხალხის ხელმისაწვდომი და მეორე მისი არსებობის სასარგებლო.—მანამდე არავითარ ცვლილებაზე, რომელზედაც დღეს ამდენს სწერენ უცხოეთის პრესაში—საბჭოთა სინამდვილეში ლაპარაკიც არ შეიძლება...

და აი როცა მომავრდა ახალი მართველი კლასი ე. ი. კო-

მუნისტური სათავე, ბიუროკრატია, როცა იგი მაგრად დაე-
უფლა ნაციონალურ ქონებას უძრავსა და მოძრავს, შექმნა
განსაკუთრებული ფორმა საკუთრების, შეცურდა ფუფუნება
ში, შეიძინა დაჩები, ავტომობილები, კურორტები და სხვ.
ახლა მას ესაუბრობება მხოლოდ სიწყნარე, დასვენება, სიმშვი-
დე. სტალინი თავის ტერორით და რეპრესიებით კარგო იყო
მასში, როცა ამ ბიუროკრატის ჯერ კიდევ წელი არ ქონდა
გამაგრებული. ახლა მისი მეთოდი რეპრესიებისა და სისას-
ტიკის მიუღებელია, რატომ? იმიტომ, რომ ასეთი რეპრესი-
ები შეიძლება მასაც მოხვდეს, შეარყიოს მისი მყუდრო ცხო-
ვრება და საფრთხის ქვეშ დააყენოს მისი ნივთიერი უპირა-
ტესობა.

დღეს დიდია მისწრაფება ამ პრივილეგიურ კლასში მო-
საქცევად. კომპარტიის დაბალ რიგებიდან—მაღლა ასასვლე-
ლად. ცხადია მაღალ ასულის—დაბლა დასაწევად, საკუთარი
თავის ასამაღლებლად—სხვისი დამცირება, გაბახება, კარიე-
რის ძებნა—მლიქვნელობით... ასეთია კომუნისტური მორა-
ლი, რომლითაც იქლენება და იწამლაბა საბჭოთა საზოგა-
დოებრივი ცხოვრება...

პრივილეგიური კლასი, ცხადია არ არის ერთფეროვანი,
ერთი იდეოლოგიით შეკრული, არამედ კატეგორიებად და-
ყოფილი,—კომპარტიის მაფრთხობელა და მოქიშვე: ესაა ორ
მილიონზე მეტი ტექნიკური ინტელიგენცია, სამეურნეო ბი-
უროკრატია, რომელთა დამახასიათებელია, ტექნიკური ცო-
დნა, უმაღლესი სულიერი დონე, უნარი ეკონომიური ცხოვ-
რების მოგვარების, სახელმწიფო აპარატის მართვის...

თითველ სოციალურ კატეგორიას სურს ითამაშოს წამ-
ყვანი როლი მართველობაში და აქედან იწყება ქიშპობა, კუ-
ლისების ინტრიგა, უწყებათა შორის დატაკება და დაპირის-
პირება.

ამას ემატება სასოფლო მეურნეობაში პერმანენტული
კრიზისი, გამოწვეული უმთავრესად გლეხობის პასიური წი-
ნაღმდევობით. 40 წლის მანძილზე ხელისუფლებამ ვერ შექმ-
ნა ერთი პერიოდიც კი სტაბილიური მდგომარეობის.

რუსის გლეხობამ არ მიიღო კოლექტივიზაცია. რაც თავის
დროზე თვით სტალინმა აღიარა ჩერჩილთან საუბარში:
«კოლექტივიზაციისთვის ბრძოლა ჩვენთვის უფრო ძნელი
იყო, ვინემ ბრძოლა ნაცისტურ გერმანიასთან».

ხოლო ხრუშჩოვმა კ. ტულაში წარმოთქმულ ცნობილ სი-
ტყვაში აღიარა:

«რეაქციონურ სულის აღმოფხვრას სოფლად არმიები
დასპირდება»...

გლეხობაში მისწრაფება და სიყვარული კერძო საკუთრე-
ბისადმი დიდია, ეს გამოჩნდა იმ მცირე ნაჭერ მიწის დამუშა-
ვებაში რომელიც გლეხს დაუტოვეს... კერძო საკუთრებიდან
მოყვანილი პროდუქცია პროცენტულად საგრძნობ რაოდე-

ნობას წარმოადგენს, იგი უფრო შემოსავლიანია ვინემ კოლექტიური მეურნეობა, და აი შემფოთებული ხელისუფლება ხან აძლევს მცირე ნაჭერ მიწას გლეხობას,—ხან ართმევს და ავიწროებს; განა თვით მარქს-ენგელსი არ აღიარებდნენ გლეხობისთვის მიწის კერძო საკუთრების აუცილებლობას თვით სოციალიზმის ხანაში?

თუ შორეულ წარსულში რუსეთის სასოფლო მეურნეობაში საკმარისი იყო «ბატრაკები», დღეს დაწინაურებულ ცხოვრების პერიოდში,—როცა საჭირო გახდა მექანიკოსები, მოხელეები და ხელისუფლებაც იძულებულია მასიური აღზრდა შემოიღოს, გათვითცნობიერებული სოფლის ახალგაზრდობა ვერ ურიგდება სოფლად არსებულ შემავიწროებულ პირობებს და პროტესტების ნიშნად სტოივის მას, მინდის მასიურად ქალაქებში ბედის საძიებლად...

უდიდესი ყურადღების ღირსია ის სულიერი განწყობილება, რომელიც შექმნილია ახალგაზრდობაში. სტატისტიკა გვიჩვენებს რომ ლენინის სახელობის ინსტიტუტში შემსვლელთა რიცხვი არა თუ მატულობს, არამედ კლებულობს, ის გაურბის კომუნისტურ დოგმების შესწავლას.

იდეთრი სიკოტრე აშკარაა. ახალგაზრდობის გონება ადვილად ერკვევა, რომ მილიარდები იხარჯება ცაში გასაფრენად, რათა ასეთი მიღწევები გამოყენებულ იქნას საგარეო პოლიტიკის გასატარებლად,—მიწაზე ადამიანები რჩებიან—ნახევრად მშიერნი, დაუხურავ-შეუმოსავი.

ომის პროცესში ახალგაზრდობას ოდნავ მაინც მიეცა საშვალეობა,—გაცნობოდა თავისუფალ ქვეყნების ცხოვრებას. კულტურულ გაცვლა გამოცვლასაც დიდი სარგებელი არ მოუტანია საბჭოთა მთავრობისთვის, პირიქით იქ ნამყოფნი დაბრუნდნენ თავისუფლების სითბოს-ნაზიარები.

ხელისუფლება, რასაკვირელია ცდილობს ახალგაზრდობის სული დაიპყროს, ბოლშევიკური იდეალით აღზარდოს, მაგრამ თაობა, რომელიც ომის შემდეგ ებმება ცხოვრების ფერხულში—ვერ ითმენს მთავრობის ცბიერებას, სიფარშივეს, სიმტკიცეს, მისი ახალგაზრდული ბუნება ვერ ეგუება პიროვნების შევიწროებას.

ხელისუფლება ხედავს, რომ ახალგაზრდობა ძალიან ნაკლებათ დაინტერესებულია საბჭოთა საზოგადოებრივი საქმიანობით და გატაცებულია თავისი პირადი ცხოვრების მოწყობით, პირადი ინტერესების დაცვით, მასში ილვიძებს და მოუკიდებელ ცხოვრების მოწყობის სურვილი. ხელისუფლება ხედავს ამაში უდიდეს საშიშროებას მომავლისათვის და ცდილობს ახალგაზრდობის დამაგრებას. რეჟიმის ერთგულებაში აღზრდას; უკანასკნელი ცნობით, საბჭოთა მართველობამ სავალდებულოთ შემოიღო სკოლებში კომპარტიის ახალი პროგრამის და მე-22 კონგრესის პარტიული მასალების შესწავლა, როგორც სჩანს ახალგაზრდობის გულს არ ეკარება

კომუნისტურ ფრანკოლოგიაში გახვეული, ათასჯერ გადაღ-
ვილ გეგმების ათვისება.

დღეს არც ისე ადვილი საქმეა ახალგაზრდობის კომუნის-
ტურ დისციპლინაში ჩაყენება და ამ მხრივ მისი იდეოლო-
გიური აღზრდა, იმ გარემოებითაც რომ დღეს შეუძლებელია
ძალდატანებით, იძულებით, ინდუსტრიულურ კულტურის
ხანაში თითო-ორჯო სპეციალისტებით მრეწველობის უზ-
რუნველყოფა. საჭიროა მასსიური აღზრდა, რამაც წარმოშვა
განსაკუთრებით ომის შემდეგ მასსიურად აღზრდილი ახალი
თაობა განსაკუთრებული ფსიხოლოგიური განწყობილებით
და სულიერი ვითარებით. მართალია ახალგაზრდობა დღეს
გზის ძებნაშია, არსებული მას არ მოსწონს, მომავალში გაუ-
რკვეველია. საჭიროა იგი შეიარაღდეს თავისუფლების იდეა-
ლური რწმენით, შეიმუშავოს გარკვეული აზრი და წარმოე-
გენა მომავალ სოციალ-პოლიტიკურ ვითარებაზე და ორგა-
ნიზაციულად დარაზმულმა იბრძოლოს მის განხორციელები-
სთვის... ეს აუცილებელია და გარდაუვალი.

საბჭოთა ცხოვრების სოციალური და ეკონომიური დუ-
ლილი აფრთხობს, აშინებს ხრუშჩოვის მართვლობას. შეუ-
ძლებელია უარყოფა იმ დიდი მიღწევების მძიმე და სამხედ-
რო ინდუსტრიაში—რაც საბჭოებს აქვთ. მაგრამ შეუძლებე-
ლია იმის უარყოფაც, რომ აქედან ადამიანის კეთილდღეობა
არ დამყარებულა. პირიქით მოხდა მხოლოდ პრივილეგიურ
კლასის კონსოლიდაცია. ამ კლასში კი ყველაზე მეტათ მყა-
რია კომ—ური აპარატიკები, კომუნისტური ბიუროკრატია,
ხელისუფლების სადავე რომ ხელში უკავია და იგი ყველაზე
საიმედოა ხრუშჩოვისთვისაც.

ის რაც უკანასკნელ პლენუმზე მოხდა სრული საბუთია
იმისი, რომ ხრუშჩოვი თავისი პრექტიტით ერთხელ კიდევ
დაეყრდნო თავის ერთგულ არმიას, დასავლეთის ზოგიერთი
ფანტაზიორები ამ პლენუმიდან მოელოდნენ ხრუშჩოვისგან
ლიბერალურ ზომების გატარებას. მოხდა წინააღმდეგი. დაი-
წყო ახალი ბიუროკრატიული რეორგანიზაცია მრეწველო-
ბის პრინციპის მიხედვით, ე. ი. იქმნება თავიდან ბოლომდე პარ-
ტიული კომიტეტები, მაღლა ცე—რი ბიურო—ცალკე მრე-
წველობისთვის, ცალკე სასოფლო მეურნეობისთვის.

არსდება უმაღლესი სამეურნეო საბჭო არსებითად კი
რჩება სასტიკი ცენტრალიზაცია.

რა არის აქ ახალი გარდა იმისა, რომ ხდება ცდა პარტი-
ული კონტროლის გაძლიერების, პარტიული სახელმწიფოს
ჩამოყალიბების...

რასაკვირელია «ცვლილება» ხდება დიდი აურ-ზაუ-
რით—თითქოს ადგილობრივ ორგანიზაციებისადმი დემო-
კრატიული უფლებების მინიჭებით. ორი წლის უკანაც და-
არსდა სამრეწველო-სარაიონო სამმართველოები, რომლებ-
საც მიუჩინეს სარაიონო ინსპექტორები—პარტიის თვალნი...

დღევანდელ რეფორმასაც იგივე მოელის, დაწყებულ კრიზისებს იგი ვერ შეანელებს, რადგან საბჭოთა სოციალ-ეკონომიური ცხოვრება უსათუოდ შევიდა ახალ ფაზაში, სადაც იგი უნდა გადაშენდეს.

ნგრევის პროცესი დაწყებულია—ისტორიის განაჩენს—იგი ვერ გადაურჩება...

სარი.

ქ ა ლ ა ს ი მ ა რ თ ლ ი ს ! ..

ამა წლის 24 თებერვალს, საფრანგეთში მცხოვრებ ქართველებამ, —რომელსაც წერილობით მომართვით უცხოეთიდან გამოეხმაურა მრავალი ორგანიზაციები და პოლიტიკური პიროვნებები, —ერთჯერ კიდევ ამცნო მტერსა და მოყვარეს გარდაუვალი, მტკიცე გარდაწყვეტილება იყვეს გაერთიანებული ერთი მიზნით, ერთი მისწრაფებით. —დამოუკიდებელი საქართველოს აღდგენით... მან ეს გამოხატა საქართველოს პრეზიდენტის ნოე ჟორდანიას გარდაცვალების 10 წლის თავზე.

პოლიტიკური ემიგრაცია დაყოფილი ჯგუფებად, —ყოველ ჯირსა და ლხინში აღმოჩნდა მთლიანი, ერთპიროვნანი; რადგან მის დაყოფაშიც ხომ იხატება თავისუფლება აზროვნების, თავისუფლება სიტყვის, თავისუფლება გზის ძებნის —ქეშმარიტების ხილვის. ამაშია მისი ძალაც, რაც ძლიერ მტერს არ გააჩნია, უცხოა მისი რეჟიმისთვის, რომელიც ბორკავს ადამიანის პიროვნებას, მის აზრსა და გონებას... რატომ ასე აფრთხობს ძლიერ მტერს ჩვენი არსებობა, რომ განსაკუთრებული ორგანო დაარსა, —ჩვენს წინამძღვრ საბრძოლველად...

ათულ წლების განმავლობაში აწარმოებს უმსგავსო თავდასხმებს აქტიურ მომქმედ პიროვნებებზე, რა მოიგონეს, რა ცილისწამება, დამცირა, გაწბილება. —ემიგრაციამ მას უპასუხა უფრო შემჭიდროებით, მტკიცე დარაზმულობით.

არის ეს 26 მაისი, აგვისტო, შავი თებერვალი, თუ ქართველი ერის ბელადის მოგონების დღე, იგი ააშკარავებს ამ მთლიანობას —ერთსულოვნობას, და აი ეს მორალური ძალა. —ძალა სიმართლის, რწმენის და სამშობლოს ტყვეობიდან განთავისუფლების —აი დროშა, რომელიც მიუძღვის ქართველს, გზას უნათებს თითულ ქართველს, სადაც იგი არ უნდა იყვეს, —დროშა დატოვებული ნოე ჟორდანიას მიერ, რომელიც მოვა დრო კვლავ აფრიალდება საქართველოს ყოველ კუთხეში.

ს. ს.

სოფ. შოკლანის ბარდაცვალების ათი წლის თავი.

ამა წლის 24 იანვარს პარიზში, საქართველოს დემოკრატიული რესპუბლიკის მთავრობის ყოფილ მინისტრების: ანტონ რაქდენ არსენიძის და გიორგი ერადის ინიციატივით ქართული პოლიტიკური ემიგრაცია მეტად დიდი და შინაარსიანი პოლიტიკური მანიფესტაციის მონაწილე გახდა-

ეს იყო საქართველოს დემოკრატიული რესპუბლიკის პრეზიდენტის ნოე ჟორდანიას გარდაცვალების 10 წლის თავი. თავისთავად გლოვის დღე ქართველი ერისა მისი მცხოვრები პრეზიდენტის გარდაცვალებისა, დაუკავშირეს საქართველოს დაპყრობის დღეს. მოსკოვის ბოლშევიკებისაგან, რომლებმაც 42 წლის წინად ქართველ ერს ძალმომრეობით მოსტაცეს თავისუფლება და სისხლის ფასად მოპოვებული 26 მაისის დიდებული თავისუფლება ჯვარს აცვეს.

ნოე ჟორდანიას პანაშვიდის მოწყობის ინიციატორებმა წინდაწინ მოიწვიეს ქართული პოლიტიკური და საზოგადოებრივი ორგანიზაციების წარმომადგენლების თათბირი რომელმაც დაასახელა პრეზიდენტის შემადგენლობა და დაავალა მას პანაშვიდის ტექნიკური საკითხების მოგვარება.

24 თებერვალს, ნაშუადღევს სრულ 3 საათზე, გაიხსნა სამლოვიარო პანაშვიდი. პრეზიდენტის მაგიდასთან სხედან საქართველოს დემოკრატიული რესპუბლიკის ყოფილი იუსტიციის მინისტრი ანტონ რაქდენი, პარიზის ქართული სათვისტომოს თავმჯდომარე ბ. ნ. ლ. ზურაბიშვილი და ნ. ჟორდანიას მეუღლე და თანამებრძოლი, ყველასაგან პატივცემული ანტონ ივანეს ასული ჟორდანიასი.

დარბაზში, რომელიც მშვენივრად იყო მორთული ქართული სტურუასა და მისი ქალიშვილების მონაწილეობით ტევა აღარ იყო.

კედელს ამშვენებდა ქართული ეროვნული დროშა, ქართული ეროვნული ემბლემა, რომლის ფონზე მოსჩანდა თავისუფალი საქართველოს პრეზიდენტის ნოე ჟორდანიას დიდი სურათი ცოცხალი ყვავილებით შემკული.

სამლოვიარო პანაშვიდი გახსნა ანტონ რაქდენმა, რომლის ხმა დაფარა ბ. ნ. აღ. ნაკაიძის ხელმძღვანელობით შესრულებულმა ეროვნულმა ჰიმნმა «დიდება» რის შემდეგ ანტონ რაქდენმა, იხსენიებს რა ემიგრაციაში უკანასკნელ ხანებში უღრობად დაღუპულ თანამემამულეებს, საზოგადოებას თხოვს ფეხზე ადგომით პატივი სცეს მათ ნათელ ხსოვნას.

შემდეგ ანტონ რაქდენმა საზოგადოებას: ცნობს რომ დღეს დილით საქარ. სოც.-დემ. პარტიის პარიზის ორგანიზაციის კომიტეტის თავმჯდომარის ანტონ ვ. ჩუბინიძის, გრ. ბარამიძის და პრ. ინწყირველის მონაწილეობით ცოცხალი ყვავილებით

იქნა მორთული ნ. ჟორდანიას საფლავი, რასაც დამსწრე საზოგადოება აღფრთოვანებით შეეგება.

მანვე აცნობა საზოგადოებას რომ პანაშვიდის მომწყობ პრეზიდიუმის სახელზე იქნა მიღებული მრავალი წერილები და დეპეშები თავისუფალი სამყაროს სხვადასხვა ქვეყნებიდან, რომლებიც იქნენ გამოქვეყნებული გახ. «ჩვენი დროის» ფურცლებზე გარდა ქ. ლიონის ქართულ საზოგადოების მგრძობიარე წერილისა, რომლის დაბეჭდვა დაგვიანების გამო ვერ მოხერხდა და რომელსაც ის აცნობს საზოგადოებას.

ამხ. არსენიძემ თავის სიტყვაში განაცხადა, რომ ამ ორი თარიღის ანუ ორი გლოვის აღსანიშნავათ მოწყობილი მანიფესტაციის დროს არ შეიძლება არ იქნეს მოხსენებული ნოე ჟორდანიას ორი თანამებრძოლის ტრადიკულად დაღუპული ნოე რამიშვილის და ნოე ხომერკის სახელები. ორატორის მგრძობიარე სიტყვები დამსწრე საზოგადოების მიერ, რამდენჯერმე ტაშის გრიალით იქნა დაფარული.

შემდეგ ამხ. რ. არსენიძე, როგორც პანაშვიდის პრეზიდიუმის თავმჯდომარე სიტყვას აძლევს პარიზის ქართულ სათვისტომოს თავმჯდომარეს ბ-ნ ლ. ზურაბიშვილს, რომელმაც ღრმა შინაარსიან და ვრცელ სიტყვაში გაიხსენა საქართველოს დამოუკიდებლობის საში წლის ისტორია და დამსწრე საზოგადოებას ფრანგულ ენაზე გააცნო ის სიძნელებები რომელშიაც უხდებოდა მოღვაწეობა მცხოვან პრეზიდენტს.

საქარ. სოც.-დემ. მ. პარტიის საზ. გარეთელი ბიუროს და საზ. გარეთ არსებული სოც. დემ. მ. პარტიის ორგანიზაციების სახელით სიტყვას ამბობს ამხ. პ. სარჯველაძე, რომელმაც ფართოდ გააშუქა ნ. ჟორდანიას პოლიტიკურ ლიტერატურული შემოქმედებითი მოღვაწეობა და მისი როლი საქართველოს სახელმწიფოებრივ და პარტიულ ცხოვრებაში.

შეტად გულისხმიერი და შინაარსიანი სიტყვა წარმოსთქვა საქართველოს ეროვნულ-დემოკრატიული პარტიის სახელით ბ-ნ ელ. პატარიძემ, რომელმაც აღნიშნა ნ. ჟორდანიას როლი სოც.-დემ. პარტიაში და სოციალდემოკრატიული პარტიის როლი მაშინდელ საქართველოს სინამდვილეში.

«თეთრი გიორგის» ორგანიზაციის სახელით, სიტყვით გამოდის ბ-ნი დ. კლდიაშვილი, რომელმაც მოკლედ მაგრამ სრული ობიექტიურობით წარმოავიდეგინა ნაძდვილი სახე საქ. დემ. რესპუბლიკის პრეზიდენტის ნ. ჟორდანიას მოღვაწეობისა და იმ დიდი დაბრკოლებებისა, რაც 117 წლის წინად დაკარგული დამოუკიდებლობის აღდგენის შემდეგ ნოე ჟორდანიას უდიდესმა სახელმწიფოებრივმა ნიჭმა გადალახა ახალი სახელმწიფოებრივი წყობის შენებისას.

ვრცელი მოხსენებით გამოვიდა საქ. სოც.-დემოკრატიის წევრების სახელით ბ-ნი ნ. ურუშაძე, რომელმაც მოგვცა ნათელი სურათი საქართველოს დამოუკიდებლობის დროს შექმნილი ქართული საზოგადოებრივი ძალთა ურთიერთობისა და ნოე

ქორდანიას როლი ამ ურთიერთობის შექმნასა და შენარჩუნებაში.

ბ-ნი შ. კალანდაძე, მოხსენებით გამოდის მწერალთა კავშირის სახელით, მან თავის სიტყვაში ისე მოხდენილად ჩაუერთონოე ქორდანიას სტატიებიდან ამოღებული რამდენიმე გულში და სულში ჩამწდომი ფრაზები რომ საერთო ტაშისცემა დაიმსახურა.

ბ-ნი ნოე ცინცაძე შეეხონოე ქორდანიას და ილია ჭავჭავაძის პოლიტიკურ ურთიერთობის საკითხს და მოიხვანა რამდენიმე მაგალითი მაშინდელი ქართული აზრის სხვადასხვაობისა მაგრამ მაინც ერთ წერტილში თავის მოყრისა—ეს იყო საქართველოს დამოუკიდებლობა.

საბოლოოდ ჩვენს ძვირფასი ამხ. ინნა ქორდანია იძლევა რამდენიმე დეტალებს ნ. ქორდანიათა ცხოვრებიდან და ნოე ვაწყოებიდან. ის სვამს საჩითხს ემიგრაციის მომავალ მუშაობაში მისი გამოყენებისა.

დარბაზში მყოფი საზოგადოება ფეხზე დგება და განისმის თავისუფალი საქართველოს ეროვნული პიში «დიდება».

ამხ. რ. არსენიძე მადლობას მოახსენებს დამსწრე საზოგადოებას მანიფესტაციაში ფართო მონაწილეობის მიღებისათვის და აცხადებს სამოქალაქო პანაშვიდს და ურუჯად.

მთელი პანაშვიდის მსვლელობა ბ. ნ. ს. კობრევიძის მიერ ჩაწერილი იქნა მაგნეტოფონზე, რისთვისაც დამსწრე საზოგადოების მადლობა დაიმსახურა.

მ. ბერძენიძე.

6. ქორდანიათა ხსოვნას.

10 წელია რაც ნოე ქორდანია იქნა დასაფლავებული პარიზის გარე უბანში ქ. ვანვში. ნ. ქორდანია დაიბ. და 1888 წ. და გარდაიცვალა 1953 წ. ის იყო ცნობილი სოციალისტი. საქართველოს დემ. რესპ. პრეზიდენტი და საქ. ს. დ. პარტიის თავმჯდომარე, რომელიც ბოლშევიკების ჯარის მიერ საქართველოს რესპუბლიკის დაპყრობის გამო იძულებული გახდა გასულიყო ემიგრაციაში.

სამი ათასი კილომეტრი აშორებს მის საფლავს თავის სამშობლო მიწისაგან სადაც ის 49 წ. განმავლობაში სარგებლობდა უდიდესი ნდობითა და ავტორიტეტით როგორც დიდი მოაზროვნე. სოციალიზმის მოძღვარი და როგორც პრეზიდენტი საქ. დემ. რესპუბლიკის რომელსაც მან მისცა სოციალდემოკრატიული სტრუქტურა.

გადახვეწილობაშიც, სოციალ. სახელმწიფოების მხარდაჭერით და აცნობილი სახელმწიფო მოღვაწეების დახმარებით, როგორც იყვენ ლ. ბლიუმი, კ. კაუცკი, ლ. დებრიუკერი, ს. პიუსმანსი, ე. ვანდერველდე, პენდერსონი და სხვა, ის აგრძელებდა აქტიურ მონაწილეობის მიღებას სოციალისტურ მო-

ძროხის გავრცელებაში და იცავდა დაუღალავად ლეგიტიმურ უფლებას თავის ქვეყნისას.

მისი გარდაცვალების 10 წლის თავის აღსანიშნავად მისმა თანამოაზრეებმა, თანამემამულეებმა უცხოელთა მონაწილეობით მოაწვეეს პარიზში დიდი მანიფესტაცია მისი მეუღლისა და თანამებრძოლის თანადასწრებით.

ორატორებმა ქართულ და ფრანგულ ენაზე პატივი სცეს ნ. ჟორდანიას ხსოვნას როგორც უდიდეს შვილს თავის ქვეყნის საქართველოს, რომელიც იბრძვის თავის დამოუკიდებლობისთვის. *)

40 წლის თავი ნ. ჟორდანიას გარდაცვალებით.

საქართველოს სოც.-დემოკ. პარტიის საზღვარგარეთელი ბიუროს ხელმძღვანელობით 1963 წლის 24 თებერვალს იქნა მოწვეობილი დიდი სამრქალაქო პანაშვიდი საქართველოს დემოკრატიული რესპუბლიკის პრეზიდენტის ნოე ჟორდანიას ხსოვნის აღსანიშნავად, რომელმაც თავის სოციალდემოკრატიული მთავრობის გარშემო შემოკრიბა მთელი ქართველი ხალხი.

პანაშვიდში მონაწილეობა მიიღო ყველა ქართულმა პარტიებმა, საზოგადოებრივმა ორგანიზაციებმა და პარიზის ქართულ სათვისტომომოს შემადგენლობამ. **).

შიშის აჩრდილი.

«დესტალინიზაცია» თითქოს შეანელა ე. წ. «სოციალისტური რეალიზმის» რისხვა, მან წარმოშვა ენერბურგის გაღიზიანება, და იმედი დაუბადა უმთავრესად ახალგაზრდა ლიტერატურულ ძალებს,—გაეშალათ შემოქმედების ფრთები. და თავისუფალი აღმაფრენით გამოეხატათ პროზაში თუ პოეზიაში საკუთარი გონებით შეგრძობილი და ათვისებული. მათ წარმოიდგინეს რომ თუ სტალინის გაბახებაში ისინი ხრუშჩოვის სურვილს შეუსრულებდნენ, მათ გზა ეხსნებოდათ ყოველგვარ თემატიკის დასაუფლებლად და დასამუშავებლად.—მათ ვერ გაითვალისწინეს, რომ თუ ხრუშჩოვის მართვლობამ მოიწონა სტალინის ეპოქის განიავება ზოგიერთ კალმოსანთა მიერ, მის განზრახვაში სრულებით არ ყოფილა, ამით მიენიჭებია მწერლობისთვის საშუალება ხალხთან დასახლოვებლად.—ჩამდგარიყო მის სამსახურში და არ ყოფილიყო რეჟიმის მაქებარი და მადიდებელი.

ამ ანკესზე წამოვეგო არა მარტო პოეტები, არამედ მხატ-

*) ამოღებულია 1963 წლის 19 აპრილის ბელგიის სოციალისტური პარტიის ორგანო «პეპლ»-დან.

**) ამოღებულია 1963 წლის 17 მარტის ფრანგულ სოციალისტური პარტიის გაზეთ «ლე პოპულერ»-იდან.



ვრები, ზოგიერთი კინოს რეჟისორები და თეატრალურ ცხოვრების მუშაკები.

მოცემული იქნა ზოგიერთი ლიტერატურული ნიმუშები უჩვეულო და მიუღებელი გაბატონებულ წრისთვის, კომუნისტური პარტიის გენერალურ ხაზისთვის...

რატომ მოხდა ასე და რას ამტკიცებს ეს ახალი სიოს შემობრუნება?..

ახალგაზრდობა. — რომელთა შემოქმედებითი ნიჭი მოითხოვს თავისუფლად გაშლას. ვერ ურიგდება შემბორკავ წესებს, მაღლიდან კარნახით მოცემულ თემაზე კალმის ამუშავებას და როგორც კი იშოვა შესაძლებლობა თავის გულისთქმა გამოეხატა იგი ოდნავ დაუახლოვდა ცხოვრების სინამდვილეს და უმთავრესად მან მოითხოვა ზნე თავისუფალი. — დაგმო ყოველგვარი ძალადობა, უარყო მაღლიდან კარნახი. ამხედრდა არსებულ წესების წინააღმდეგ.

რომ ოდნავ საბჭოთა ხელისუფლებას, რომელსაც ლიბერალურ წესების დამყარებას აკუთვნებენ, განზრახვა ქონდა და მწერლობისთვის ოდნავ თვისუფლების მინიჭების, იგი არ შემოფოთდებოდა, შეშინდებოდა და ახალგაზრდა ევტუშენკოს და მის მეგობართა წინააღმდეგ არ ამუშავებდა თავის ძლიერ ბიუროკრატიულ მანქანას... რადგან უნდა ვსთქვათ. რომ ამ თითო ოროლა ნიჭიერ მწერლებს არ აუხატავთ გაბედულად ხალხის ჭირ-ვარამი. მათი სულისკვეთება, მათი მისწრაფება. მათი სოციალური ჩაგვრა, მათი პოლიტიკური მონობა ხელისუფლებამ სწორად იგრძნო, სწორად შეაფასა, რომ თუ ეხლავე თავში არ ჩაარტყამდა მეტიჩარა ლიტერატურულ ძალებს, თანდათანობით, მათი კალამი ჩაწვდებოდა საბჭოთა სინამდვილის სიღრმეში და იქიდან ამოკრეფდა ქვეყნის გაქვივრების ნიმუშებს და მზის სინათლეზე გამოიტანდა.

რადგან ხრუშჩოვმა და მისმა კრიტიკოს ილიჩევმა, კარგად უწყიან, რომ თუ მწერლობა მათ კონტროლს გაუსხლტდა მას შეუძლია ითამაშოს ისტორიული როლი. დიქტატორისგან მიძინებულ საზოგადოებრივ აზრის გამოღვიძებაში. პრეტესტანტულ ცეცხლის დანთებაში... მწერალი ხომ მოწოდებულია იყვეს სიმართლის და ჭეშმარიტების მლადდებელი საზოგადოებრივი ინტერესების დამცველი და მფარველი, ძალადობისა და ჩაგვრის მამხილებელი.

მაინც და როგორ თვალხილულად, როგორ ამკარად მთელი ქვეყნიერების წინაშე დაიჩუტა და გაჰქრა ხრუშჩოვის ლიბერალური მოჩვენება?.. ჯერ ხომ უცხოეთში გამოგზავნა ეკტუშენკო, გატაცებულ ახალგაზრდას გამბედაობა და უარა უცხოელებთან მიტინგზე ეთქვა: «მე იმას ვსწერ რასაც ჩემი სინდისი მკარნაგებსო»... რადგან დაავიწყდა ეთქვა — «ვსწერ რასაც კომპარტიის ცენ. კომიტეტი მიკარნახებსო»... ის უკან გაიწვიეს, ყურები აუწვიეს და გახადეს საგანი ყოველდღიურ კრიტიკის... ლამის არის კალამი ხელიდან გაავდებინონ. სა-

ნუგეშოა, რომ ის ისე როგორც პოლიტიკურ ფრონტზე—
კულტურულ ასპარეზზე ზოგიერთი უცხოეთის კომპარტიები
—არ იზიარებენ მოსკოვის შეხედულებას და მას ემიჯნებიან.
მაგ. იტალიის კომპარტიის ლიდერმა აშკარად განაცხადა
რომ იგი სრულებით არ იზიარებს საბჭოთა ხელისუფლების
პოზიციას მხატვრულ ხელოვნების მიმართ.

შიშით შეპყრობილი საბჭოთა ხელისუფლება ახდენს
კულტურულ ძალებთან შეხვედრას მოსკოვში. სადაც ხრუშ-
ჩოვის მიმართვაში თუ არის რბილი სიტყვიერება—იგი სავ-
სებით გამოხატავს დიდი ხნიდან აღებულ კომპარტიის პო-
ლიტიკის გამართლებას, მრეწველობის რკინის სალტებში
ჩატოვებას—მის დაბმას და მართველ წრისადმი დამორჩილე-
ბას. როცა ეს სტრიქონები იბეჭდება—გრძელდება ლაშქრო-
ბა თავხედ, თავაშვებულ ძალების ჩასახუმებლად. კომუნის-
ტურ საბელში კვლავ შესარეკად და იქ კომუნისტურ დოგმე-
ბზე დასამბელად... ყოვლად ურჩი და გაუსწორებელი კალმ-
ონის ბედი ალბად იქნება საგიყეთში გამგზავრება.

შეიძლება ეხლა მაინც შეიგნონ და დაიჯერონ,—ვისაც
ამის სურვილი აქვს.—სანამ ტოტალიტალური რეჟიმი არ
დამზობილა კულტურულ ძალებს არ ექნებათ საშუალება თა-
ვისუფლად ამოსუნთქვის, თავისუფლების გარეშე კი ნამდვი-
ლი მხატვრობის თუ საერთოდ ხელოვნების წარმატება შეუ-
ძლებელია.

სპ. სუციშვილი.

საქართველოს სოფლის მეურნეობის მოწინავეთა თათბირი.

მიმდინარე წლის თებერვლის დასასრულს თბილისში
შესდგა საქართველოს სოფლის მეურნეობის მოწინავეთა თა-
თბირი. ამ თათბირზე გამომქლავნდა, რომ საქართველ ოს სო-
ფლის მეურნეობის გამოჯანსაღება ვერ მოხერხდა. მიუხედა-
ვათ ათასგვარი რეფორმებისა, რომლებსაც ადგილი ქონდა
უკანასკნელი წლების განმავლობაში.

აი ფაქტები, რომლებიც გამოქვეყნებულ იქნა გაზეთ «კო-
მუნისტის» პირველი მარტის ნომერში:

«რესპუბლიკის ჩაის პლანტაციების გაშენების გეგმა—
თქვა საქართველოს კომპარტიის პირველმა მდივანმა—ვისრლ
მკავანაძემ თავის მოხსენებაში—მხოლოდ 73.5 პროცენტით».
«რესპუბლიკამ ვერც შარშან შეასრულა ვენახების გაშენე-
ბის გეგმა». «დაბალია მოსავლიანობა საზოგადოებრივ ბაღე-
ბში». უკანასკნელ წლებში მარცვლეული კულტურების ნა-
თესი ფართობი რესპუბლიკაში შემცირდა.. «უკანასკნელი
ორი წლის განმავლობაში ფრინველის რაოდენობა რესპუბლი-

კაში შემცირდა 359.600 ფრთით». «1961 წელს რესპუბლიკის კოლმეურნეობებმა და საბჭოთა მეურნეობებმა მეცხოველეობისაგან 62.700.000 მანეთი ზარალი ნახეს». «შარშენ საშუალოდ ერთ ძროხაზე მიღებულია 1.003 კილოგრამი რძე, ესე იგი წინა წელთან შედარებით წველადობა 113 კილოგრამით შემცირდა». «გასულ წელს ვერ შევასრულეთ თამბაქოს, შაქრის, ბოსტნეულის, ქართოფილის, აბრეშუმის პარკისა და სოფლის მეურნეობის სხვა პროდუქტების წარმოებისა და დამზადების გეგმები».

როგორც ვხედავთ, პატივცემულო მსმენელებო, საქართველოს სოფლის მეურნეობა ისევე უმწეო მდგომარეობაშია: ვერც სოფლის მეურნეობის პარტიული ბიუროს შექმნამ, ვერც სახელმწიფო-პარტიული კონტროლის ორგანოების შექმნამ საქმეს ვერ უშველა. რა თქმა უნდა ვასილ მქავანაძე ყველა ამ საქმეში პირველ ყოვლისა ბრალს ისევ კოლმეურნეებს დებს: «გვეყვანან—თქვა მან—არაკეთილსინდისიერი ადაშიანები, რომლებიც გაურბიან საზოგადოებრივ-სასარგებლო შრომას, მაგალითად ხაშურის საწარმოო სამმართველოს სოფელ ავლევის კოლმეურნეობაში 731 შრომისუნარიანი კოლმეურნიდან გასულ წელს 309 კაცს სრულებით არ მიუღია მონაწილეობა საკოლმეურნეო შრომაში. ხოლო სოფელ ტბის კოლმეურნეობაში, სადაც 145 შრომისუნარიანი წევრია, 46 კაცს მონაწილეობა არ მიუღია საკოლმეურნეო შრომაში, ესე იგი რაცა ამ კოლმეურნეობაში დაქირავებულ პირებზე გაიცა 5.900 მანეთი».

ეს ფაქტიკი, ცხადპყავს, რომ საქართველოს კომპარტიის ხილმძღვანელთა მუქარები კოლმეურნეობებისადმი, რომ მათ ჩამოერთმევათ საკარმიდამო მიწები ან, როგორც «მუქთახორა» გადასახლებულ იქნებიან სოფლიდან თუ კოლმეურნეობებში არ იმუშავენ. მიხანს ვერ აღწევს. კოლმეურნეები მაინც გაურბიან კოლმეურნეობაში მუშაობას, თუ რატომ ხდება ეს? ამის შესახებ ვასილ მქავანაძე არაფერს არ ამბობს. არ ამბობს იმიტომ, რომ ეს ფაქტი ამჟღავნებს კოლექტივიზაციის სისტემის უსუსურობას უზრუნველყოფის კოლმეურნეების ნორმალური შრომისა და ცხოვრების პირობები. აი, მაგალითად ავლევის კოლმეურნეები ნორმალური შრომის პირობებში ღებულობდენ იმდენ შემოსავალს კოლმეურნეობიდან, რამდენიც საჭიროა მათი ოჯახის წევრების გამოსაკვებათ, ვითომ ისინი მაშინაც თავს აარიდებდენ კოლმეურნეობაში მუშაობას?—ჩვენ ვფიქრობთ, არა! მაგრამ ამასთან დაკავშირებით, საინტერესოა საკითხი: თუ 731 შრომისუნარიანი კოლმეურნიდან 309 კოლმეურნეს საერთოდ არ მიუღიათ მონაწილეობა საკოლმეურნეო შრომაში, როგორც ეს მქავანაძემ თქვა, —საინტერესოა რა სახსრებით ცხოვრობენ ეს ადამიანები და მათი ოჯახები? უნდა ვიგულისხმოთ. რომ მათ გააჩნიათ საკარმიდამო მიწები და მათში მოწეული შემოსა-

ვლით საზრდოობენ ისინი. ეს კი ერთხელ კიდევ მოწმობს იმას, რომ შრომის ანაზღაურება კოლმეურნეობაში ისე დაბალია, რომ კოლმეურნეს მხოლოდ ამ შემოსავლით არსებობა არ შეუძლია. მაგრამ, როგორც ჩანს, კოლმეურნეები შემოსავლის სხვა წყაროებსაც ეძებენ: ვასილ მქავანაძემ, მაგალითად, აღნიშნა, რომ იმავე ავლევის კოლმეურნეობამ «დაქირავებულ პირებზე გასცა 5.900 მანეთი» გასული წლის განმავლობაში. ვინ არიან ეს «დაქირავებული პირები»? თუ მხედველობაში მივიღებთ იმ ფაქტს, რომ საქართველოს სოფლებში კოლმეურნეებს გარდა სხვა მუშა ხელი არ არსებობს, მაშინ შეგვიძლია ვთქვათ, რომ «ეს დაქირავებული პირები» არიან «სხვა სოფლის» კოლმეურნეები, რომლებიც «თავის» კოლმეურნეობაში «შრომას გაუბრძიან», მაგრამ «სხვა კოლმეურნეობაში» სამუშაოს ეძებენ! ეს მართლაც რომ განსაცვიფრებელი ფენომენია: ესე-იგი კოლმეურნეები «გაუბრძიან» თავის კოლმეურნეობაში მუშაობას, ვინაიდან მასში—ჯერ ერთი—თავის კოლმეურნეობაში შრომის ანაზღაურება დაბალია, და მეორე—მისი მიღება შესაძლებელია მხოლოდ წლის ბოლოს და სამუშაოს ეძებს სხვა კოლმეურნეობაში, სადაც შრომის ანაზღაურება, მართალია, დიდი არ არის, მაგრამ შრომის ანაზღაურებას ღებულობს მაშინათვე ფულის სახით. ეს კი ორმაგად აკოტრებს კოლმეურნეობის სისტემას: კოლმეურნე ამჯობინებს «სხვა» კოლმეურნეობაში დაქირავებულ შრომას, «თავის» კოლმეურნეობაში მუშაობას!

განა კოლმეურნეობების სისტემის ამ მანკიერების გამო-სწორება შესაძლებელია—როგორც მქავანაძემ თქვა—«პარტიულ-სახელმწიფო კონტროლის» გაძლიერებით?—რატომ ენას არ იღებს საქართველოს ეურნალ-გაზეთები თუ გნებავთ «პოლონეთის მაგალითის! შესახებ, სადაც კოლექტიური სისტემა გაკოტრდა და დღეს მთელი სოფლის მეურნეობა ეყრდნობა ერთპიროვნულ ინდივიდუალურ მეურნეებს. რომელთა ხელშია მთელი სახნავ-სათესი მიწების 87 პროცენტი? ამის შედეგია ის, რომ პოლონეთში არც ე. წ. «მუქთახორობას», არც სოფლის მეურნეობის პროდუქტების ნაკლებობას და არც საერთოდ სოფლის მეურნეობის კრიზისის ადგილი არ აქვს. რატომ ამაზე არაფერს არ ამბობს ვასილ მქავანაძე?*)

კარლო ინახარშიძე.

*) გადაცემული მიუნხენის რადიო-სადგურის «თავისუფლება» 3 მარტი 6963 წ.

ჩ ა მ ი მ ო ზ ო ნ ე ბ ი დ ა ნ .

(სანდრო მენაღარიშვილი)

სანდრო გავიცანი ამიერ-კავკასიის გლეხთა ყრილობაზე. ის გამოგზავნილი იყო დელეგატთა ქუთაისიდან. აგრარულ რევოლუციის გარშემო გაიმართა საინტერესო კამათი, ორატორთა შორის პირველი ადგილი სანდრომ დაიკავა—როგორც მქერმეტყველობით, ისე თვით მიწის საკითხის გარკვევაში. მთელი დარბაზი მას უსმენდა დიდის ყურადღებით. ნოე რამიშვილმა ცალკე თათბირი მოახდინა დასაგლეთ საქართველოდან ჩამოსულ დელეგატების. მისცა მათ დირექტივები. 34 დელეგატში სანდრომ მიიქცია ნოე რამიშვილის ყურადღება და იქიდან მოყოლებული ნოე მუდამ აფასებდა მის გამჭრიახ გონებას!

1918 წელს როცა გაბოლშევიკებულმა ჯარისკაცებმა ქუთაისის ქალაქს რბევა დაუწყეს, სანდრო თოფითხელში რაზმს ხელმძღვანელობდა და აგიტაციას ეწეოდა, რომ გონზე მოეყვანა გონება-დაკარგული ჯარისკაცები. ქუთაისის პოლიტიკურ ხელმძღვანელობაში სანდროს აფასებდნენ როგორც აქტიურ, თავდადებულ მუშაკს. აქედან ის გადაყვანილი იქნა ზესტაფონის სამხარო ერობაში,—ადმინისტრაციულ განყოფილების გამგეთ და აგრეთვე არჩეულ იქნა სახალხო გვარდიის შტაბის წევრად.—იგი ესწრება სახალხო გვარდიის მეორე ყრილობას.

საქართველოს დაპყრობის შემდეგ სანდრო აქტიურ მუშაობაში ჩაება გურიისში. მას აქ მოუხდა მუშაობა მძიმე პირობებში. როცა ჯალათობოლადის თარეშის გამო—ძნელი იყო თავის შენახვა. სანდრო ღებულობდა ცენტრიდან დავალებებს. არა ერთჯერ ბეწვზე ეკიდა მისი სიცოცხლე, მაგრამ იგი უშიშრად გადადიოდა ერთი კუთხიდან მეორეში.

ნოე ხომერკის მოთხოვნით სანდრო გაწვეულ იქნა თბილისში. ის აქ ხელმძღვანელობს თბილისის კომიტეტს და აგრეთვე პარტიის დავალებით შედის ინტერპარტიულ კომიტეტში...

აჯანყების შემდეგ ბევრი ამხანაგები და პოლიტიკური მოღვაწენი იძულებული ხდებიან სამშობლო დასტოვონ.

თბილისში იმ დროს მეც მიხდება მუშაობა. სანდროს დავალებით—ვაწყო საალგარგარეთ შ. ამირეჯიბის და ს. ზალდასტანიშვილის გამგზავრებას... დრო გადის სანდროს გაფაციცებით დაეძებს «ჩეკა». მისი გაჩერებაც შეუძლებელი ხდება და იგიც ეხიზნება უცხოეთს. უცხოეთში სანდროს მუშაობა იყო უაღრესად აქტიური. მან მიიპყრო ყველას ყურადღება. თავისი ორგანიზაციული უნარიანობით და გვერდში ამოუდგა ნ. ქორდანის და ნ. რამიშვილს და დაუღალავად, შეუწყვეტილად ასრულებდა მრავალ დავალებებს. პარტიაში,

პარტიათა წარმომადგენლობაში თუ კავკასიის კომიტეტში იგი ასრულებდა მძიმე მოვალეობას და ასრულებდა პირნათლად.

ნოე რამიშვილის ტრადიკულმა სიკვდილმა მასზე მძიმედ იმოქმედა, მან კიდევ გააცხოველა თავისი საქმიანობა და აქტივობა.

ნ. ყორდანის ნდობით აღჭურვილმა ეროვნული მუშაობა—ჩვენ შეზობელ სამხრეთის ერში გადაიტანა. აქაც მან მოიხვეჭა ნდობა მასპინძლების. გააბა საქირო კავშირები, იყო კავშირის ერთა საერთო ხელმძღვანელობაში.

მძიმე ავადმყოფად ჩავარდნის შემდეგაც მუდამ საერთო საქმეზე ფიქრობდა და მეგობრებთან კავშირი არ შეუწყვეტია. ყველას თავის აზრს უზიარებდა.

სანდრომ ღირსეულად შეასრულა თავის მოვალეობა და წავიდა ჩვენგან სამშობლოს წინაშე ვალმოხდილი.

ვალიკო ჩუბინიძე.

ვახტანგ აბაშიძის ხსოვნას.

კიდევ ერთი დიდებული ქართველი გამოეცალა ქართულ ემიგრაციას. 4 მარტს მივადარეთ საფლავს ვახტანგ აბაშიძე. სუფთა და პატიოსანი გრძობის ადამიანი. რეზლის გულში ღვივოდა, გაუქრობელ ლამპარივით სიყვარული თავის მშობელი ქვეყნის—საქართველოსადმი. ვახ. აბაშიძემ თავისი მამულიშვილური ვალი, ჯერ ისევ ახალგაზრდამ იქ მოიხადა, სამშობლო მიწაზე: როცა წითელი რუსეთი დაგვესხა თავს. იგი თავის ამხანაგებთან, სამხედრო სკოლის კურსანტებთან ერთად იბრძოდა კოჯორთან.

უცხოეთში, მას მოუხდა, მისთვის და სხვა მრავალ ქართველებსთვის, მეორე სამშობლოს, პოლენეთის თავისუფლების დაცვა უთანასწორო ბრძოლაში. პიტლერელების წინააღმდეგ.

თავისი მამულიშვილური სიტყვა. განსვენებულმა, აქაც სთქვა ამერიკის მიწაზე: ქართულ საზოგადოებას რომ აქვს დღეს საკუთარი სახლი. საკუთარი თავშესაფარი ეს მთლიანად იმ ორხანიხაციას ე. წ. საქართველოს დამოუკიდებლობის აღდგენის ამერიკულ საბჭოს ნამოღვაწარია, რომელ ორგანიზაციის ერთი თვალსაჩინო წევრი ვ. აბაშიძეც იყო.

მარტო ერთი რამ ეწადა განსვენებულს; რომ ქართულ საზოგადოებაში ყოფილიყო მთლიანობა, ძმური კავშირი და ურთიერთისადმი სიყვარული.

დიდება მის სულს.

საუკუნოდ იყოს ხსენება მისი.

ვ. ა.

**საქ. სოც.-დემ. მ. პარტიის საზ. გარეთელი
ბიუროს განცხადება.**

საქ. სოც.-დემ. მ. პარტიის საზ. გარეთელი ბიურო, გაეცნო რა, ნ. ცინცაძის ჯგუფის მიერ გამოშვებული ორი «ბიულეტენის» შინაარსს, შინაპარტიულ უთანხმოებათა შესახებ — აღნიშნავს «ბიულეტენის» ავტორების მიერ ფაქტების დამახინჯებას და გაყალბებას.

საზღვარგარეთელი ბიურო აცხადებს, რომ ბიუროს 19 წევრიდან ჩამოშორებული 6 კაცის მიერ «გაერთიანებული ბიუროს სახელით გამოსვლა დემოკრატიული პრინციპების მიხედვით ყოველად დაუშვებელია.

გასული წლის იანვარში ნ. ცინცაძის მიერ ეროვნულ საბჭოს ყრილობაში მონაწილეობის მიღების შემდეგ, ყრილობიდან 3 დეპუტატი წასვლა და ეროვნულ საბჭოს სახელით მოქმედების გაგრძელება ყოველგვარ იურიდიულ საფუძვლებს მოკლებულია.

გაუმართლებელია აგრეთვე ნ. ცინცაძის მიერ სახელდახელოდ შექმნილი ე. წ. «ეროვნული საბჭოს» დელეგაციით, პარიზის ბლოკის კონფერენციის წინაშე წარსდგომა ეროვნულ საბჭოს სახელით.

საზ. გარეთელი ბიურო აცხადებს რომ მათი «გაერთიანებული ბიურო», «ეროვნული საბჭო» და «პარიზის ორგანიზაციის კომიტეტი» მოკლებულია ყოველგვარ იურიდიულ და საზოგადოებრივ საფუძვლებს. ბიუროს ზედმეტათ მიაჩნია მათთან ამის გამო კამათისა და პოლემიკის წარმოება.

სიმატლის აღსადგენათ!

ნ. ცინცაძის «ბიულეტენი» აგრძელებს სჩვენს მიერ ჩატარებულ კონფერენციის გაბახებას, დამცირებას, სახელის გატეხას. ალბად ესაა მისი აზრით პარტიის სამსახური. გვიწვევენ «მოკავსენებთ თქვენს მოღვაწეობას, რა გაგიკეთებიათუკანასკნელ წლებში» და ეს იძულებულს გვხდის იქით შევეკითხოთ, — თუ რას აკეთებდა სამი ათეული წლის განმავლობაში, გარდა ჩვენი ხელმძღვანელობის კრიტიკისა. ეს მესამეჯერ არის, რომ დაარღვია პარტიული ორგ-ციის მთლიანობა, ამის მოწამენი ჩვენ ყველანი ვართ და დღეს ამის მტკიცება საჭირო აღარ არის... ჩემი ვალია, როგორც პარტიულ კონ-

ფერენციის თავმჯდომარის დაეიცვა კონფერენციის უფლებები.

კონფერენცია მოწვეულ იქნა იმ წესების და ტრადიციების მიხედვით, რომელიც მუდამ არსებობდა ჩვენს პარტიაში, როგორც ლეგალური ისე არალეგალურ პირობებში. სრულიად დემოკრატიული წარმომადგენლობის წესით. როგორც სახელ-ბიუროს დიდმა უმრავლესობამ, ისე პარტიის ორგანიზაციამ—ამ მხრივ გადასდგა სათანადო ნაბიჯები. ამას აუშხედრდა ნ. ცინცაძე.

ჩვენ მივიღეთ მისი წრიდან მუქარის წერილი. სადაც გვატყობინებდნენ «არ ჩამოხვიდეთ, კონფერენცია არ შედგება, ჩვენ უკვე მიღებული გვაქვს ზომები»-ო. ამან გვაიძულა არათუ ჩამოვსულიყავით, არამედ კონფერენცია დახურულ კარებში მოგვეწვია და სწორეთ რომ მოვიქცეთ იქიდანაც სჩანს, რომ კონფერენციაზე გამოცხადდნენ ამს—ბი რომელთა დაშვება შეუძლებელი შეიქნა ერთი პიროვნების საქციელის გამო.

კონფერენცია ჩატარდა სრული ამხანაგური ერთსულოვნებით, მან პასუხი გასცა მტკინვეულ მიმდინარე პოლიტიკურ საკითხებს, სრული ნდობა გამოუცხადა ცენტრალურ ორგანოს, დაუმატა ზოგიერთი საჭირო ამს—ბი.

უცხოეთში გაფანტული სოც.-დემ. ძალები ვალდებულნი არიან დადგენ მის ხელმძღვანელობის ქვეშ, დაიცვან მისი წესები და ტრადიციები...

კონფერენციის თავმჯდომარე

ილ. ხალუქვაძე.

პარტიული ცხოვრება.

ამაწლის 28 აპრილს, პარტიის სოც.-დემოკრატიულ ორგანიზაციაში ამს. რ. არსენიძემ გააკეთა მოხსენება საერთაშორისო პოლიტიკურ მდგომარეობაზე, რომელმაც გამოიწვია ცხოველი ინტერესი.

გარჩეულ იქნა აგრეთვე სხვადასხვა ორგანიზაციული საკითხები.

იზვიათი ნაწარმოები.

ივ. ზურაბიშვილი: «კარგ ქართველთა ხსოვნისათვის».

დაიბეჭდა და გამოვიდა, უცხოეთში გარდაცვლილ სახელმწიფო და საზოგადო მოღვაწის, ლიტერატორის ივ. ზურაბიშვილის ნაწარმოები. ძველი ბრწყინვალე თაობის საუკეთესო წარმომადგენლის მოგონება, ცხადია ცხოველ ინტერეს გამოიწვევს ქართველ მკითხველში. მის მიერ მოთ-

ხრობილ ამბებს, როგორც საკუთარ ყრმობის წლებში გადატანილს და განცდილს, ისე მის დამოკიდებულებას და თანმშრომლობას ცნობილ საზოგადო მოღვაწეებთან—ჩვენ გადავყავართ წარსულ საზოგადოებრივ ცხოვრების სინამდვილეში...

უაღრესი გულწრფელობით და გრძნობიერებით აღწერილი და გაშლილია თითოეული ეპიზოდი, როგორც კერძო ოჯახურ ურთიერთობისა, ისე საზოგადოებრივთვის თანდადებულ შრომისა, ქართული კულტურის სამსახურისა...

ავტორი აცოცხლებს ჩვენს წინაშე ზოგიერთ ცნობილ პიროვნებებს.—ისეთი თბრობით, ისეთი სითბოთი და სიყვარულით, რომ წაკითხული, მკითხველს იპყრობს და აჯადოებს.

თითოეული აღწერა წრფელი განცდით მხატვრული ფერადებით შემკობილი,—მოცემულია ვითარცა შედეგრი ბელეტრისტულ ნაწარმოებისა.

ხუთიოდე გვერდზე გადაშლილი—სათნოება და სიყვარული დედისა,—მიმალულ გრძნობას აღვიძებს, აფორიაქებს, იჭრება გულის სიღრმეში..... იწვევს შიშველ განცდის ტრემლებს...

მოგონება გაბრიელ ეპისკოპოსზე, დიდ ილიაზე და სხვებზე ღირსია უდიდესი ყურადღების და გარჩევის, რომ სამწუხაროთ ჩვენს ქურონალის ადგილი ვიწრო და განსახლებრული არ იყვეს.

ა.

ბ ი ბ ლ ი ო გ რ ა ვ ი ა.

ისიდორე მანწკავა—ქართული კულტურის გეზი. ოქროს ხანა. პარიზი, 1962. 48 გვერდი.

უდროოდ გარდაცვალებული ისიდორე მანწკავა, რომელიც 1924 წლის შემდეგ გარდახვეწილობის მძიმე და დუხჭირ ჯაპანს ეწეოდა, გამოჩინების იყო მისი თაობის ამხანაგთა შორის: ქარხანაში მიუჩვეველ მუშაობის მიუხედავად, მას არ წაოთმევიო სურვილი ქართული ლიტერატურისა და ისტორიის საკითხები ესწავლა და განეხილა. უკანასკნელი ომის წინ მან ქართულ ლიტერატურის კვლევას ერთი წიგნი მიუძღვნა და ეს მეორე, აქ დასახელებული წიგნი კი ქართული კულტურის გეზებს, კერძოდ, საქართველოს ისტორიის ოქროს ხანას ეხება.

პირველ თავში (აღმავალი ხაზი) ავტორი მოკლედ განიხილავს, როგორ გაიზარდა და განმტკიცდა ქართული სახელმწიფო დავით აღმაშენებლის ჯკუთიანური და მომქმედი პოლიტიკით. შემდეგ იგი ეხება ქართულ სოციალურ კულტურას; განიხილავს მერმე ქართულ არქიტექტურასა და ხელო-

ვენებას, უფრო დაწვრილებით; გვაცნობს საერო მწერლობის განვითარებას,—და ყველა ამ ნარკვევში იგი პარალელს ავლებს დასავლეთი ევროპის კულტურასთან.

ავტორი სრული დარწმუნებით გვიმტკიცებს, რომ საქართველოს კულტურა ყველა მისი ნიშანდობლივი გამოვლინებით წინ უსწრებდა დასავლეთის კულტურას და სამისოდ მას საბუთებიც მოაქვს. დაბოლოს იგი ამ საკითხს ანზოგადოებს და საერთოდ აღმოსავლეთსა და დასავლეთის კულტურის ურთიერთობას ეხება. ავტორის შეხედულებით, თუმცა ამ კულტურათა და ცივილიზაციათა ურთიერთობა «ჯერ კიდევ დიდხანს დარჩება ძიებისა და რკვევის საგანი», მაინც დღეს შესაძლებელია ითქვას, რომ აღმოსავლეთი წარმოადგენს სულიერი და ნივთიერი კულტურის ულევ სალაროს; საყურადღებოა: ყველა რელიგიის ჩამოყალიბება აღმოსავლეთში მოკვდა; ხელოვნების, მეცნიერების და აზროვნების დარკში იგი პირველი იყო. კულტურები და ცივილიზაციები აქედან იღებს თავის დასაწყისს»-ო.

ამ თვალსაზრისით არის განხილული ქართული კულტურის საკითხებიც და ამიტომ ავტორი დაასკვნის. რომ «ქართული მსოფლიო, მისი ცივილიზაციისა და კულტურის ხარისხი და თავისებურება... ეხლა წინ დგება ვით ისეთი რაიონი, სადაც ეს დასავლეთის და აღმოსავლეთის განვითარების გზები ადგილობრივ მაღალ ეროვნულ კულტურულ ნიადაგზე, ინტენსიურ ურთიერთობაში იმყოფებოდა. წარსულში საქართველო წარმოადგენდა კულტურისა და ცივილიზაციის ისეთ რაიონს, სადაც ჯვარედინდებოდა აღმოსავლეთის და ანტიური დასავლეთის განვითარების გზები, ხოლო ამავე დროს, თვით საქართველო რასიულად და ეროვნულ-კულტურულად მკვეთრად გამოკვეთილი, ერთეულს წარმოადგენდა და სწორედ ამ გარემოებათა გამო ამ ორ დიდ კულტურულ მიმოქცევაში, ადგილობრივ, მაღალ ეროვნულ ნიადაგზე, საქართველო ჰქმნიდა ახალ მიღწევებს, სინტეზს, სადაც მისი შემოქმედებითი ენერჯია თავისუფლად ინელებდა და განიერად ფარავდა ჯვარედინად მიღებულ მიღწევათა სიმაღლეებს»-ო.

დასახელებული შრომა დიდად საყურადღებოა იმ შემთხვევაშიც, თუ მცოდნე მკითხველი ავტორს არ დაეთანხმება.

ამ წიგნით ავტორმა თავისი დიდი წვლილი შეიტანა ემიგრაციის კულტურულ ცხოვრებაში და მადლობის ღირსია გამომცემელი, რომელმაც ქართველ მკითხველს არ დაუკარგა უდროოდ გარდაცვალებული მკვლევარის ნაშრომი და მისი დაბეჭდვით გაამდიდრა ჩვენი აქაური მწიგნობრობა.

მიმიქხილველი.

პ რ ე ს ი ლ ა ნ ე .

ერთი უცხო ინჟინერი, რომელმაც რამდენიმე თვე დაყო ამიერ-კავკასიაში უცხოელებისგან აშენებულ ქარხნის რემონტის გასაკეთებლად, მოგვითხრობს: რომ მას თითქმის გამუდმებით ჰქონდა კავშირი ადგილობრივ მუშებთან, ხოლო ადგილობრივი ინჟინრები კი ვრიდებოდნენ მასთან შეხვედრას, რადგან ეწინოდათ მთავრობის რეპრესიების. მუშებს ის ხვდებოდა არა მხოლოდ სამუშაოზე, არამედ მის გარეშეც. რეპრესიის შიში მათაც ჰქონდათ, მაგრამ უფრო ნაკლები, ვინემ ინჟინრებს.

უცხოელი ინჟინერი ხაზგასმით აღნიშნავს. რომ მუშები, რომელთაც ის ხვდებოდა, ყველანი გამოუკლებლივ უკმაყოფილო იყვნენ თავის მდგომარეობით. მათი ცხოვრების დონე მეტათ დაბალია. ინჟინერი მათ ოჯახშიც ყოფილა და იცის, რომ მუშები ძალიან ცუდათ იკვებებიან, თვით კავკასიაშიც კი, რომელიც ხილის დიდი მოსავალითაა განთქმული, იგი მუშებისთვის მიუწვდომელია მაღალი ფასების გამო. 8—10 ჯერ უფრო ძვირია იქ ხილი, ვინემ პარიზში.

მუშების უკმაყოფილება გასაგებია, მაგრამ როცა ერთ მათგანს ჰკითხა, რატომ არ აცხადებთ პროტესტს ასეთ უსამართლო წესების წინააღმდეგო, პასუხათ მიიღო: ერთხელ უკვე მოვიარე ციმბირი ასეთი პროტესტის გამო, და არავითარი სურვილი არ მაქვს ხელშეორეთ იქითწვიმოგზაუროო; მართალია მაშინ სტალინის ეპოქა იყო, მაგრამ არა მწამს, რომ მომხდარი ცვლილებები ხანგრძლივი და მტკიცე გამოდგება.

იგივე ინჟინერი გადმოგვცემს, რომ მუშები რომელთაც ის შეხვდა, ყველანი გამოუკლებლივ წინააღმდეგი არიან კომუნისტური მთავრობის და პირადათ ხრუშჩოვის. ზოგიერთები სტალინის ხანასაც კი უკეთესათ თვლიან. «მის დროს უკეთ ვცხოვრობდითო», ასეთი სიტყვებიც კი მსმენია ზოგიერთებისაგანო. შეიძლება ეს ცალკეული პირების განწყობილებას გამოხატავდეს, მაგრამ ერთი უდაოა: ხრუშჩოვის წინააღმდეგ უკმაყოფილება მეტათ დიდია. მას თვლიან ისე პირად, რომელიც შეგნებულად მატყუარობს.

იმავე ინჟინერის თქმით, ქართველებისა და სომხებისგან ხშირათ გაიკონებთ ანტირუსულ განცხადებებს.

ახალგაზრდა ინჟინერი, რომელმაც ეს ამბები გადმოგვცა, უცხოელია, საბჭოთა კავშირში ჩასვლამდე ის თანავარძლობით ეკიდებოდა კომუნისტებს. ეხლა კი ის სრულიად განთავისუფლებულია ამ ავადმყოფობისაგან. მასზე განსაკუთრებით მძიმე შთაბეჭდილება მოახდინა სრულმა სამეურნეო არე-

დარევამ და სახელმწიფო ქონების საყოველთაო ქურდობამ. მშენებლობაზე სულ ერთიანად იპარავდნენ სათადარიგო ნაწილებს, ამბობს ის. ამ გაცარცვის წინააღმდეგ ხელისუფლება უძლურია—რაიმე ილონოს და ტრესტები ხშირათ თვითონ ყიდულობენ მცარცველთაგან გატაცებულ მასალებს.

მეორე ინჟინერი, ისიც ახალგაზრდა და უცხოელი, რომელიც დონბასში მუშაობდა, სავსებით ადასტურებს ზემო აღნიშნულის სისწორეს. იგი თან ხაზგასმით აღნიშნავს აგრეთვე სურსათ-სანოვაგის დიდ ნაკლებობას, კერძოდ ხორცის საკითხის ცუდ მდგომარეობას. ხორცი ძნელი საშოვნელია და მერე ისე ძვირი ღირს, რომ შექენა თითქმის შეუძლებელია. შედარებით ადვილი საშოვნელია ღორის ხორცი, მაგრამ მისი ფასის გადახდა ბევრს არ შეუძლია. მუშები უმთავრესათ იკვებებიან მხოლოდ ქართოფილით და სხვ.

ამ ინჟინერმა ორი წელიწადი დაჰყო დონბასში და ამოწმებს, რომ არა თუ რაიმე გაუმჯობესება არ შეუნიშნავს ამ ხნის განმავლობაში, პირიქით მდგომარეობა თანდათან უარესდება. კუდები სურსათ-სანოვაგის დუქნების წინ ნორმალურ მოვლენათ იქცა და თანდათან უფრო გრძელი ხდება... და სხვ.»^{*)}

ასეთია საბჭოთა კავშირის სინამდვილე.

კომ. პარტიები უცხოეთში.

უკანასკნელი ცნობების მიხედვით კომუნისტების დასუსტება უცხოეთში მომხდარი ფაქტია. მიზეზები ამისი მრავალია, მათ შორის უმთავრესია ორი: დესტალინიზაციით გამოწვეული დაბნეულობა, და დასავლეთ ქვეყნების ეკონომიური გაჯანსაღება...

მაგალითად: იყო დრო როცა ამერიკის კომპარტიის რიგებში ითვლებოდა 85 ათასი... ის ერთგვარი გავლენითაც სარგებლობდა ზოგიერთ მუშათა პროფკავშირებში. ჰქონდათ რამოდენიმე ბეჭდვითი ორგანო, რომლებიც დღეს აღარ გააჩნიათ, პარტიის წევრთა რიცხვი დაეცა. თავისუფალ მუშათა პროფკავშირების ყრილობაზე—რომლებიც 15 მილიონი წევრი ითვლება—მათ ვერ გაიყვანეს ვერცერთი დელეგატი.

ინგლისის კომპარტია ითვლის მხოლოდ 28 ათას, უწინ მას ჰყავდა პარლამენტში ორი დეპუტატი და მართავდნენ რამოდენიმე ადგილობრივ მუნიციპალ იტელს—ეწელა მათ ერთიც არ გააჩნიათ. უკანასკნელ არჩევნებში მათ წამოაყენეს 300 კანდიდატი. ვერ გაიყვანეს ვერც ერთი.

დასავლეთ გერმანიაში კომპარტია აკრძალულია—ითვ

^{*)} იხ. «სოც. ვესტნიკ» 1963 წ. მარტი-აპრილის ნომერი.

ლება 5 ათასი წევრი. მათ არ აქვთ გავლენა არცერთ მუშათა პროფესიონალურ ორგანიზაციაში...

ბელგიაში, პოლანდიაში, შვეიცარიაში, შვეციაში, ნორვეგიაში და დანიაში კომპარტიები ვერ თამაშობენ ეროვნულ-სახელმწიფოებრივ ცხოვრებაში ვერაფრითარ როლს. ყველა ამ ქვეყნებში სოციალდემოკრატიული პარტიები ითვლებიან მმართველ პარტიათ თუ არა—მეორედ მაინც.

ავსტრიაში სოციალდემოკრატიულმა პარტიამ მიიღო ორი მილიონი ხმა, კომპარტიამ—135 ათასი ხმა. ასეთივე მდგომარეობაა დაახლოებით ნორვეგიაში და შვეციაში.

მხოლოდ საფრანგეთში და იტალიაში კომპარტიები წარმოადგენენ საგრძნობ ძალას. მათი გავლენა ჯერჯერობით მნიშვნელოვანია, თუმცა საფრანგეთის კომ. პარტიაში ითვლებოდა 600 700 ათასი წევრი, ის ჩამოვიდა 250 ათასამდე. ეს ფაქტი ფრიად დამახასიათებელია.

იტალიის კომპარტია ჯერ ჯერობით—მეორე პარტიაა იტალიაში. უკანასკნელად მანაც დაკარგა რამოდენიმე ასეული ათასი წევრი. იტალიის კომუნისტურ ახალგაზდობის კავშირმა დაკარგა 40 პროც. თავის წევრების.

აფრიკის ახლად განთავისუფლებულ ქვეყნების მიმართ მატერიალური დახმარებით—მოსკოვი ფიქრობდა ადგილობრივ კომპარტიების გაძლიერებას. ზოგიერთ ამ ქვეყნების წარმომადგენლების მოგზაურობა მოსკოვში შეწყდა. მათ და აგრეთვე არაბთა ქვეყნებმა დაინახეს კომპარტიების დამანგრეველი მუშაობა და მოსკოვის ზრახვებიც... მათ უკანასკნელათ პირი იბრუნეს დასავლეთის დიდ დემოკრატიულ სახელმწიფოებისკენ და ცდილობენ მათთან ლოიალურ თანამშრომლობის დამყარებას.

იხარო.

მწერალთა და ჟურნალისტთა კავშირში.

1962 წლის 4 ნოემბერს, მწერალთა და ჟურნალისტთა კავშირმა ბ. ნ. კალანდაძის თავმჯდომარეობით, გამართა სალიტერატურო დილა, რომელსაც დაესწრო მრავალრიცხოვანი ქართული საზოგადოება.

პ. სარჯველაძემ მოხსენება გააკეთა შემდეგ თემაზე: «ხალხური სიბრძნე—ქართულ მხატვრულ ლიტერატურაში». ის ფართოდ შეხვო ქართული ფოლკლორის ამ მხარეს.—მოიყვანა მრავალი ნიმუშები მხატვრულ პროზიდან და პოეზიიდან ქართულ ზეპირ-სიტყვაობის გავლენისა მწერლობაში და სხ. მოხსენებამ გამოიწვია ცხოველი ინტერესი.

მხატვრულ განყოფილებაში—ლექსები წაიკითხეს რუსუდან და ნანო სტურუამ, გოგი წერეთელმა და ჩვენმა პოეტმა გ. ყიფიანმა.

საზოგადოებამ ყველანი მხურვალე ტაშთ დააჯილდოვა. დასასრულ გულნარა და ოთარ პატარიძეებმა ფანდურზე დაამღერეს ლექსები—რამაც აღტაცებაში მოიყვანა საზოგადოება.—ისინი რამოდენიმეჯერ იქნენ გამოსწვეული.

სალიტერატ. დილით კმაყოფილი დარჩა საზოგადოება.

ბ-ნ ი. გობეჩიამ თავის მხურვალე სიტყვაში კმაყოფილება და მადლობა გამოუცხადა მწერ. და ჟურნალ. გამგეობას

ვიქტორ ნოზაძის მიხსენება.

გასული წლის დეკემბრის რიცხვებში ბ-ნ ვ. ნოზაძემ წაიკითხა მოხსენება «ვეფხისტყაოსანი».

როგორც ვიცით მოხსენებელი არის ღრმა მცოდნე, დიდი შემოქმედის—რუსთაველის ნაწარმოებისა, მოხსენებამ მიიზიდა მრავალრიცხოვანი საზოგადოება, რომელმაც დიდის ინტერესით მოუსმინა მას, და მადლობის ნიშნად მხურვალე ტაშისცემით დააჯილდოვა.

უკრაინის დამოუკიდებლობის დღე.

ამაწლის 25 იანვარს, «სარკ მილიტერ»-ის დარბაზში გაიმართა საზეიმო სხდომა უკრაინის დამოუკიდებლ ოქის დღის აღსანიშნავად.

ჩვენმა თანამემამულე პოლკ. ნ. თოხაძემ დამსწერთ მიმართა მხურვალე სიტყვით, აღნიშნა უკრაინის განმანთავისუფლებელი ბრძოლის ეპიზოდები წარსულში და აგრეთვე ახალი ბრძოლი დამოუკიდებლობის აღსადგენათ. უსურვა უკრაინელთ სრული გამარჯვება.

გ ა მ ო ვ ი და

რ. არხენიძის შრომა:

„განხილვა ვახტანგ მე-VI კანონმდებლობისა“

დაიბეჭდა და გამოვიდა

ლეონტი ჟღერტის წიკნი რუსულ ენაზე:

რევოლუციის მსახურები კავკასიაში და მისი ხელმძღვანელება

«ჩვენი დროების» გამცემრა შეიძლება შემდეგ მისამართზე

M-r Berichvili

16 bis, rue Jules Ferry, Leuville s,orge

(S. et O.) France.

შემოწირულებაც უნდა გამოიგზავნოს ამავე მისამართზე.

მაღლეობის გამცხადება.

უღრმეს მაღლეობას ვუცხადებ ყველას, ვინც პირადად თუ წერილობით თანაგრძნობა გამოგიცხადეს ძვირფასი მეუღლის (ოლგას) გარდაცვალების გამო.

გ. ერასუ.

შ ა დ ლ ე ბ ა.

უღრმეს მაღლეობას ვუცხადებთ სათვისტომოს გამგეობას, ქართულ საზოგადოებას, მრავალ მეგობრებს, რომლებმაც წერილობით თანაგრძნობა გამოგიცხადეს და ფართოდ გაიზიარეს ჩვენი მწუხარება ძვირფასი დედის ნინო ჯაფარიძის გარდაცვალების გამო.

შვილები:

თინა და ირაკლი.



«ჩვენი ღარიბი»-ს ფონდი.

ნიუიორკიდან ამხ. ილ. გოლდმანის ქალიშვილისგან 30 დოლარი.

ანა იაკობაშვილი-ელიგულაშვილი	250	ფრანკი.
არსენიძე რაქდენ	600	»
სოშოდან	120	»
ინჭირველი პრკოფი	100	»
სარჯველაძე პავლე	90	»
ბერიშვილი მამია	80	»
კვიციანიშვილი აკაკი	70	»
ლიონიდან	70	»
ბარამიძე გრიშა	60	»
ტატიშვილი ალექსანდრე	50	»
ჩუბინიძე ვალიკო	50	»
ქარსელაძე ისიდორე	50	»
ჭელიძე ვალიკო	50	»
სტურუა მიხეილ	40	»
ქორდანი გიგო	20	»
მელქაძე ალექსანდრე	10	»
ყურულაშვილი ნიკო	10	»
გრიგოლაშვილი ქორა	10	»
რიქამაძე კიტა	10	»

ზემო მოყვანილი თანხა წარმოადგენს რამოდენიმე თვის შემოწირულებას. ამხანაგებმა აიღეს ვალდებულება, ყოველ თვიურად შემოიტანონ თავიანთი წვლილი. იმათ მაგალითს უნდა მიბაძონ ჩვენი პარტიის სხვა წევრებმა და თანამგრძნობებმაც და ამით უზრუნველყონ ჩვენი ბრძოლის ორგანო.

რედაქცია.